



Привремена заједничка комисија оба дома  
Парламентарне скупштине Босне и  
Херцеговине за спровођење процедуре за избор  
четири члана Управног одбора Агенције за  
развој високог образовања и обезбјеђивање  
квалитета

Privremena zajednička komisija oba doma  
Parlamentarne skupštine Bosne i Hercegovine  
za provođenje procedure za izbor četiri člana  
Upravnog odbora Agencije za razvoj visokog  
obrazovanja i osiguravanje kvaliteta

Privremeno zajedničko povjerenstvo obaju  
domova Parlamentarne skupštine Bosne i  
Hercegovine za provođenje procedure izbora  
četiri člana Upravnog odbora Agencije za  
razvoj visokog obrazovanja i osiguranje  
kvalitete

Broj: 01,02-50-14-244-8,1/17  
Sarajevo, 15.3.2017. godine

**- PREDSTAVNIČKOM DOMU**

**- DOMU NARODA**

**PARLAMENTARNE SKUPŠTINE BiH**

Na osnovu člana 29. Poslovnika Predstavničkog doma Parlamentarne skupštine BiH („Službeni glasnik BiH“, broj 79/14), člana 24. Poslovnika Doma naroda Parlamentarne skupštine BiH („Službeni glasnik BiH“, broj 58/14) i člana 51. Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), Privremena zajednička komisija oba doma Parlamentarne skupštine BiH za provođenje procedure za izbor četiri člana Upravnog odbora Agencije za razvoj visokog obrazovanja i osiguranje kvaliteta na 8. sjednici, održanoj 15.3.2017., usvojila je, te Predstavničkom domu i Domu naroda Parlamentarne skupštine BiH podnosi sljedeći

## IZVJEŠTAJ

**o utvrđivanju prijedloga rang-liste kandidata za izbor četiri člana Upravnog odbora  
Agencije za razvoj visokog obrazovanja i osiguranje kvaliteta**

**I. Imenovanje članova Privremene zajedničke komisije oba doma  
Parlamentarne skupštine Bosne i Hercegovine za provođenje procedure za**

## **izbor četiri člana Upravnog odbora Agencije za razvoj visokog obrazovanja i osiguranje kvaliteta**

Parlamentarna skupština BiH je na 26. sjednici Predstavničkog doma, održanoj 17.3.2016., i na 16. sjednici Doma naroda, održanoj 22.3.2016., imenovala članove Privremene zajedničke komisije oba doma Parlamentarne skupštine BiH za provođenje procedure za izbor četiri člana Upravnog odbora Agencije za razvoj visokog obrazovanja i osiguranje kvaliteta (u daljnjem tekstu: Komisija), u kojoj su:

Mirsad Đonlagić, Nenad Lalić i Nikola Lovrinović iz Predstavničkog doma, te Ognjen Tadić, Safet Softić i Zdenka Džambas iz Doma naroda Parlamentarne skupštine BiH.

### **II. Zadaci i hronologija rada Komisije**

U skladu s članom 51. Okvirnog zakona o visokom obrazovanju u BiH, te čl. 3., 5., 7., 8., 10., 11. i 12. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine ("Sl. glasnik BiH", broj 37/03), zadatak Komisije bio je da sačini potreban akt o svom radu, te provede daljnju proceduru izbora i predlaganja imenovanja u skladu s navedenim zakonskim propisima i aktom o svom radu.

Kako bi realizirala svoje zadatke, Komisija je održala 8 (osam) sjednica.

Konstituirajuća sjednica održana je 5.4.2016. Na ovoj sjednici članovi Komisije jednoglasno su za predsjedavajućeg izabrali Mirsada Đonlagića, za prvu zamjenicu predsjedavajućeg Zdenku Džambas, te za drugog zamjenika Nenada Lalića. S ciljem javnosti rada, na veb-stranici PSBiH objavljeni su određeni akti, kao što je tekst javnog konkursa i najava održavanja sjednica.

Postupajući u skladu sa svojim nadležnostima, Komisija je na 2. sjednici, održanoj 5.4.2016., usvojila Poslovnik o radu. Poslovnikom o radu propisan je način rada, raspisivanje i uslovi javnog konkursa, dokumenti koji se prilažu uz prijavu, rad po završetku javnog konkursa, intervju - javno saslušanje kandidata, kriteriji bodovanja, postupak bodovanja i utvrđivanje prijedloga jedinstvene liste kandidata i druga pitanja.

Komisija je na 3. sjednici, održanoj 15.6. 2016., utvrdila da se na javni konkurs nije prijavio dovoljan broj kvalificiranih kandidata koji ispunjavaju opće i posebne uslove postavljene u skladu s članom 7. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Službeni glasnik BiH“, broj 37/03), čime se neće moći ispoštovati princip nacionalne zastupljenosti kako je to propisano članom 3. stav (2) tačka (e) Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Službeni glasnik BiH“, broj 37/03) i članom 9. stav (2) Statuta Agencije za razvoj visokog obrazovanja i osiguranje kvaliteta („Službeni glasnik BiH“, broj 86/09), te je donijela Odluku o poništavanju javnog konkursa za provođenje procedure za izbor četiri člana Upravnog odbora Agencije za razvoj visokog obrazovanja i osiguranje kvaliteta.

Odluka o poništavanju javnog konkursa objavljena je u „Službenom glasniku BiH“, „Službenom glasniku Brčko Distrikta BiH“ i na veb-stranici Parlamentarne skupštine BiH, te

obavještenje o poništavanju javnog konkursa u dnevnim novinama: „Dnevni avaz“, „Večernji list“ i „Večernje novosti“.

Na osnovu zakonskih odredbi, te odredbi čl. od 7. do 10. Poslovnika, Komisija je na istoj sjednici pripremila i donijela Odluku o ponovnom objavljivanju javnog konkursa za provođenje procedure za izbor četiri člana Upravnog odbora Agencije za razvoj visokog obrazovanja i osiguranje kvaliteta. Uslove javnog konkursa Komisija je utvrdila na osnovu navedenih zakonskih i odredbi Poslovnika o radu Komisije.

Komisija je na 4. sjednici, održanoj 13.10.2016., nakon uvida u dokumentaciju svakog prijavljenog kandidata, konstatirala da nije bilo prijavljenih kandidata iz bošnjačkog naroda i iz reda ostalih, te je u skladu s članom 7. stav (6) Poslovnika o radu zaključila da se u roku od 15 dana ponovo oglase pozicije za članove Upravnog odbora iz bošnjačkog naroda i iz reda ostalih.

Komisija je na 5. sjednici, održanoj 23.11.2016., nakon uvida u dokumentaciju svakog prijavljenog kandidata, konstatirala da nije bilo prijavljenih kandidata iz reda ostalih te je u skladu s članom 7. stav (6) Poslovnika o radu zaključila da se u roku od 15 dana ponovo oglase pozicije za članove Upravnog odbora iz reda ostalih.

Javni konkurs objavljen je u:

-“Službenom glasniku Brčko Distrikta BiH” 22.4. 2016., i “Službenom glasniku BiH”, broj 28/16, 19.4.2016., te na veb-stranici Parlamentarne skupštine BiH. Obavještenje o Javnom konkursu objavljeno je u “Dnevnom avazu”, “Večernjem listu” i “Večernjim novostima” 20.4.2016.

Rok za podnošenje prijava na javni konkurs bio je (zaključno) 4. maj 2016.

Ponovljeni javni konkurs objavljen je u:

- “Službenom glasniku Brčko Distrikta BiH” broj 35/16, 20. 9. 2016., i “Službenom glasniku BiH”, broj 68/16, 13.9.2016., te na veb-stranici Parlamentarne skupštine BiH. Obavještenje o javnom konkursu objavljeno je u “Dnevnom avazu”, “Večernjem listu” i “Večernjim novostima” 15.9.2016.

Rok za podnošenje prijava na javni konkurs bio je (zaključno) 28. septembar 2016.

Ponovljeni javni konkurs za dva člana objavljen je u :

- “Službenom glasniku Brčko Distrikta BiH”, broj 39/16, 21.10. 2016., i “Službenom glasniku BiH”, broj 78/16, 18.10.2016., te na veb-stranici Parlamentarne skupštine BiH. Obavještenje o javnom konkursu objavljeno je u “Dnevnom avazu”, “Večernjem listu” i “Večernjim novostima” 20.10.2016.

Rok za podnošenje prijava na Javni konkurs bio je (zaključno) 2. novembar 2016.

Ponovljeni javni konkurs za jednog člana objavljen je u:

-„Službenom glasniku Brčko Distrikta BiH“ broj 47/16, 6. 12. 2016., i „Službenom glasniku BiH“, broj 90/16, 2.12. 2016., te na veb-stranici Parlamentarne skupštine BiH. Obavještenje o javnom konkursu objavljeno je u „Dnevnom avazu“, „Večernjem Listu“ i Večernjim novostima“ 7.12.2106.

Rok za podnošenje prijava na Javni konkurs bio je (zaključno) 17. decembar 2016.

### **III. Prijavljeni kandidati, utvrđivanje ispravnosti dostavljene dokumentacije i intervju**

U skladu s članom 11. Poslovnika o radu, sljedeći zadatak Komisije sastojao se u provjeri formalno-pravne valjanosti, blagovremenosti i kompletnosti prijave kandidata s dostavljenom dokumentacijom.

Komisija je konstatala da se na javni konkurs prijavilo devet kandidata, i to:

1. FRANO LJUBIĆ
2. SANJA BIJAKŠIĆ
3. STEVO PAŠALIĆ
4. MOMČILO POLJIĆ
5. DIJANA MARKOVIĆ
6. BAKIR MEHIĆ
7. SANJIN KODRIĆ
8. NEDŽMA DŽANANOVIĆ MIRAŠČIJA
9. ZLATA KUNDUROVIĆ

Komisija je na 4. sjednici, održanoj 13.10.2016., na 5. sjednici održanoj 23.11. 2016., i na 6. sjednici održanoj 1. 2. 2017., pojedinačno i detaljno razmotrila svaku prijavu kandidata i dokumente dostavljene uz nju.

Nakon uvida u dokumentaciju svih prijavljenog kandidata, Komisija je utvrdila da je devet prijavljenih kandidata dostavilo potrebnu dokumentaciju, da je dokumentacija dostavljena u predviđenom roku i da ispunjava uslove konkursa.

U skladu s članom 12. Poslovnika o radu Komisije, devet kandidata pozvano je na intervju. O datumu, vremenu i mjestu održavanja intervju svi kandidati su pismeno obaviješteni.

Komisija je na 7. sjednici, održanoj 6. 3. 2017., obavila intervju - javno saslušanje kandidata.

Intervju se odazvalo svih devet kandidata.

Komisija je, u skladu s članom 13. Poslovnika o radu, sačinila obrazac - tabelu za ocjenjivanje svakog kandidata od prisutnih članova Komisije. Broj bodova svakog kandidata

količnik je sabranih ocjena koje je dao svaki intervjuu prisutni član Komisije podijeljen s brojem intervjuu prisutnih članova Komisije.

#### **IV. Utvrđivanje prijedloga rang-liste kandidata**

U skladu s članom 14. Poslovnika o radu Komisije, njen sljedeći zadatak bio je da, nakon provedene procedure, utvrdi prijedlog rang-liste kandidata s tačnim brojem Zakonom propisanih pozicija, odnosno prijedlog rang-liste s četiri, prema mišljenju Komisije, najuspješnija kandidata za članove Upravnog odbora Agencije. Komisija je pri tome bila obavezna ispoštovati uslove utvrđene Zakonom - zastupljenost konstitutivnih naroda i ostalih, kao i zvanje redovnog univerzitetskog profesora za najmanje dva kandidata. Također, Komisija se obavezala da će, poštujući zakonske i odredbe Poslovnika o radu, u svom izvještaju domovima Parlamentarne skupštine BiH, nakon prijedloga rang-liste za Upravni odbor, u daljnjem tekstu posebno navesti imena i bodove za ostale kandidate s kojima je obavljen intervju, a koji su, prema mišljenju Komisije, bili manje uspješni u odnosu na kandidate s jedinstvene liste.

**IV.1.** Kako se Komisija, u skladu s članom 14. Poslovnika o radu, obavezala predložiti domovima Parlamentarne skupštine BiH listu kandidata za imenovanje članova Upravnog odbora s tačno propisanim brojem pozicija za imenovanje, vodeći računa i o obavezi da od četiri člana Upravnog odbora po jedan član treba biti predstavnik bošnjačkog, srpskog i hrvatskog naroda i iz reda ostalih.

### **PRIJEDLOG**

#### **RANG-LISTE ČETIRI KANDIDATA ZA IMENOVANJE ČLANOVA**

#### **UPRAVNOG ODBORA AGENCIJE ZA RAZVOJ VISOKOG OBRAZOVANJA I**

#### **OSIGURANJE KVALITETA**

<b>Redni broj</b>	<b>Kandidat</b>	<b>Pripadnost narodu</b>	<b>Broj bodova</b>
<b>1.</b>	<b>MOMČILO POLJIĆ</b>	<b>S</b>	<b>100</b>
<b>2.</b>	<b>SANJA BIJAKŠIĆ</b>	<b>H</b>	<b>98</b>
<b>3.</b>	<b>SANJIN KODRIĆ</b>	<b>B</b>	<b>97,1</b>
<b>4.</b>	<b>ZLATA KUNDUROVIĆ</b>	<b>O</b>	<b>84,6</b>

**IV.2.** Nakon provedenog intervjua i bodovanja kandidata, Komisija je utvrdila sljedeću listu svih kandidata za člana Upravnog odbora Agencije:

<b>Redni broj</b>	<b>Kandidat</b>	<b>Pripadnost narodu</b>	<b>Broj bodova</b>
<b>1.</b>	<b>MOMČILO POLJIĆ</b>	<b>S</b>	<b>100</b>
<b>2.</b>	<b>SANJA BIJAKŠIĆ</b>	<b>H</b>	<b>98</b>
<b>3.</b>	<b>SANJIN KODRIĆ</b>	<b>B</b>	<b>97,1</b>
<b>4.</b>	<b>STEVO PAŠALIĆ</b>	<b>S</b>	<b>92</b>
<b>5.</b>	<b>NEDŽMA DŽANANOVIĆ MIRAŠČIJA</b>	<b>B</b>	<b>91,3</b>
<b>6.</b>	<b>BAKIR MEHIĆ</b>	<b>B</b>	<b>87,6</b>
<b>7.</b>	<b>FRANO LJUBIĆ</b>	<b>H</b>	<b>87</b>
<b>8.</b>	<b>DIJANA MARKOVIĆ</b>	<b>S</b>	<b>87</b>
<b>9.</b>	<b>ZLATA KUNDUROVIĆ</b>	<b>O</b>	<b>84,6</b>

#### **V. Dostavljanje prijedloga rang-liste kandidata u parlamentarnu proceduru**

Komisija je na 8. sjednici, održanoj 15.3.2017., jednoglasno usvojila prijedlog liste kandidata za Upravni odbor Agencije za razvoj visokog obrazovanja i osiguranje kvaliteta.

U skladu sa zakonskim i poslovnim odredbama, Komisija dostavlja utvrđeni prijedlog liste kandidata za Upravni odbor Agencije za razvoj visokog obrazovanja i osiguranje kvaliteta Predstavničkom domu i Domu naroda Parlamentarne skupštine BiH na daljnji postupak.

Za izvjestioce o radu i o ovom izvještaju Komisije u domovima Parlamentarne skupštine BiH određeni su:

- iz Predstavničkog doma - Mirsad Đonlagić, predsjedavajući Komisije,
- iz Doma naroda – Zdenka Džambas, prva zamjenica predsjedavajućeg Komisije.

Predsjedavajući

Privremene zajedničke komisije

**prof. dr. Mirsad Đonlagić**

**Dostaviti:**

- Kolegiju Predstavničkog doma
- Kolegiju Doma naroda
- a/a

**Prilog:** Prijedlog rang-liste četiri kandidata za imenovanje članova Upravnog odbora Agencije za razvoj visokog obrazovanja i osiguranje kvaliteta

**PRIJEDLOG**

**RANG-LISTE ČETIRI KANDIDATA ZA IMENOVANJE ČLANOVA  
UPRAVNOG ODBORA AGENCIJE ZA RAZVOJ VISOKOG OBRAZOVANJA I  
OSIGURANJE KVALITETA**

<b>Redni broj</b>	<b>Kandidat</b>	<b>Pripadnost narodu</b>	<b>Broj bodova</b>
<b>1.</b>	<b>MOMČILO POLJIĆ</b>	<b>S</b>	<b>100</b>
<b>2.</b>	<b>SANJA BIJAKŠIĆ</b>	<b>H</b>	<b>98</b>
<b>3.</b>	<b>SANJIN KODRIĆ</b>	<b>B</b>	<b>97,1</b>
<b>4.</b>	<b>ZLATA KUNDUROVIĆ</b>	<b>O</b>	<b>84,6</b>

**PREDSJEDAVAJUĆI KOMISIJE**

**prof. dr. Mirsad Đonlagić**